

34-G-E-8-

114

19

SYDVVS CAELI GALLICANI

S I V E

O R A T I O D E S. I V O N E

PAVPERVM ADVOCATO

HABITA IN EIVSDEM TEMPLO

AD S.R.E. CARDINALES

AB ANTONIO RADICCHIO FLORENTINO

Sem. Rom. Cler.

BRISTOL HAZ.
H.M.A.
VICTORIO EMERSONE



ROMAE, Typis Haredum Francisci Corbelletti. M.DC.XXXX.

SVPERIORVM PERMISSV,

THE
LIBRARY OF THE
UNIVERSITY OF CHICAGO
1207 EAST 58TH STREET
CHICAGO, ILL. 60637
U.S.A.



VRBANO VIII.
PONTIFICI
OPT. MAX.



ANTONIUS RADICCHIVS. F.



*EXHIBVI non ita pridem additum
olim Cælo Gallicanũ sydus PVR-
PVRATIS Romæ SYDERIBVS
contemplandum. Eos videlicet spe-
clatores habuit inter sydera relatus
IVO, quos velut ignes æternis
ignibus pares è Vaticano Cælo Sol VRBANVS
accendit. Nam hoc etiam nomine manum habes
parem simul, & affinem Soli, quod Tu quoque
Cælum cumulare syderibus potes. Vnus Tu supe-
reras, quem spectatorem ambiebat sydus meum.
Solem Te scilicet affectabat. Authori enim suo ad-*

A 2 esse

esse mirum quantum sydera desiderent. Erravi ne
 dum *VRBANVM* tanti syderis authorem dixi?
 at Solis illius Vicarius ipse Sol es, qui eximie sancti-
 tatis affusa luce in splendidum Cæli sydus accendit
IVONEM. Aeternum ergo sanctiorum syderum
 authorem maiestate simul exhibes, & potestate.
 Quare unum Te, utpote qui ab authore Principe
 plurimum Solis instar trabis, adit *IVONIA-
 NVM* sydus, atque id ea de gratia, ut si quod an-
 tiquæ lucis detrimentum obducta orationis meæ cali-
 gine passum est, benigno Tui luminis afflatu repare-
 tur. Qua igitur terrarum uniuersitatem beas, luce,
 illam syderi meo tantisper impertias; solius enim
 hoc *VRBAN1* est, quia Solis unius est.



ORA



ORATIO.



SPLENDIDIS illustrare syderibus Cælum, nobilique novorum ignium ad-
ditamento familiā cumulare stella-
rum, illius opus dexterae semper fuit,
quæ vnà cum minorum luminum
flammis Solem ipsum, & Lunam,
reliquorum veluti syderum Princi-
pes, & Optimates accendit, Eminentiss: Principes. Ad nu-
tum enim dexterae molitricis, quæ suis adesse stellas ob-
sequijs imperavit, illustriores illæ superiorum orbium
particulæ præfulserunt; quæ dum nativo lucis auro Cæ-
lum ditant, telluris interim Sole destituta solantur simul,
& recreant orbitatem. Quis proinde Divinae manus il-
lustre prodigium fuisse non affirmabit, cum terrenam
mortalitatis nostræ particulam in splendidam superio-
ris mundi faciem immigrasse suspexerit? Nimirum tel-
lus etiam nostra stellarum suppeditare materiam didi-
cit Opifici suo, & in æternas immortalium ignium
flammas accendi nostra quoque mortalia potuit. Hoc

autem Britanniae Gallicae decus fuit Auditores; cui si non Anglos cum magna illa toto orbe diuisa Britannia contigit educare, Angelos certe, stellis nempe lucidiores faces inferre. Caelo concessum fuit. Et sane quis Caeli Gallicani stellam appellare dubitabit IVO-
NEM? luculentum illum egenorum Patronum ne dixerim, an Patrem? Dum enim virtutum omnium splendore conspicuus sua interim beneficentia calamitosi mortalium gregibus praesto aderat IVO, non ne stellarum ille mores omnes expressit, quae dum à Sole mutuuntur lucem, felices interim, fortes benigniore afflatu mortalibus impertiuntur? Atque hoc ego argumentum orationi constitui meae, ut quoniam sua nitere satis non potest, luce saltem enitescat aliena. Tu, cui non ultimo loco fulgere datum est inter eos, qui sempiterno de lucis fonte deriqatis in se radijs veluti stellae fulgebunt in perpetuas aeternitates, tantum ingenio meo lumen asfunde, quantum digna te laudatio deposite.

Qualem suis destinaret obsequijs IVONEM Deus veteri ferenti Matri praemonstravit certo consecuturae praesagio sanctitatis. Praevidit enim in somnis Azona (hoc IVONIS Mater nomine ferebatur) prolem vtero gestare se supremo futuram Numini charissimam. Vidit opinor matrum fortunatissima sobolem suam in ipso exortus veluti crepusculo novam quasi stellam illi cum iucunditare lucere, quem nunquam intermisso praeconio laudant astra matutina. Quid enim? Octavium Cæsa-

rem,

rem, cui præclatum Augusti cognomen fortunata facinora pepererunt, nondum serenitati publicæ in lucem editum instar Solis è Matris vtero prodeuntem vidit Octavius Pater; quod omen illi certissimum fuit, vel à se Romano Cælo Solem addendum, vel imponendum à se Romanorum Imperio Principem, qui beneficas, augustasque dispergeret cum Sole manus. Ita Cæsarum Soli Sol ipse syderum Cæsar Augustissimus seæ facem prætulit imperaturo, seu eundem præuij luminis anticipato coronamento terrarum Orbis inauguravit Imperatorem. Quod si tenebris Inferorum obruendum caput lumine suo prænunciauit Sol, cur illustrem obiecti syderis faciem futuræ indicæ sanctitatis non habuerit Ivo, hoc est æternis olim Cæli syderibus addendum lumen? Et quidem eximia futurum luce sanctimonix perillustrem IVO NEM præmonstrata etiã Matri gigantis effigies luculenter ostendit. Præsensit enim Azona Gigantem se Galliæ parituram; illis tamen omninò dissimilem, qui non magis enormi excresecntis in immensum corporis proceritate celebres, quàm impia sceleratæ mentis atrocitate damnatis, eò audaciâ prouecti sunt, vt in Cælum insolēscere, & bello penitus execrabili immortalia Numina provocare non dubitauerint. Amare quippè non poterant Cælum odiosissimi terræ partus. Ivo tamen, vt qui ad vnius obsequium numinis nascebatur, vel in primo lucis vestibulo communem sanctiorum hominum ordinem felicissime prætergressus, charitate simul, ac sanctitate planè Gigantea

ferebatur in Cælum. Vix ergo mortalibus additus, Cælestia occipit immortalium affectare consortia ingenuus puer, ut qui non ignorabat in Cælo solū sydera versari. Quem paulō ante sub solis imagine præmonstratū Patri retulimus Augustum cum stellis etiam luisse puerū ferunt. Quid, rogo vos, accidere potuit opportunius Auditoribus? Cum stellis quippè ludere, hoc enim verò de cælo collulorem Solē. Nec alios decere se ludos Ivo cognouit, quam qui ferio cum Cælitibus exercentur. Nouerat enim, quam rarò ludatur cum hominibus innocentibus, & quam studiosè nostros inter ludos rem suam procuraret veterator fallacissimus Inferorum. Sed quoniam diuina sacrorum Vatum oracula ijs tantummodo locum inter sydera pollicentur, quī multos ad iustitiam erudiunt, & informant, Parisios Ivo perrexit, ut in Augustā illā Regum Aula, & Principum celeberrimā regia doctrinarum, eam sibi Sapientiæ suppellectilem compararet, quam deinde cæteris impetrari posset. Hic verò quid attinet dicere quanto cum studio morum illē procuraret integritatem, cum sublimiorū disciplinarū præceptionibus mentem imbueret? Cautus enim religiosissimus Adolescens, ne dū Parisijs Athenas habebat ingenium, Lutetiam interim animus experiretur, studuitque diligentissimè, ne pretiosam illibati candoris margaritam perderet, aut inquinaret, dum in medijs circumfusi luti sordibus aurum sapientiæ conquirebat. Quid enim (aiebat secum Ivo) comparatę doctrinę lucrum prodest, si detrimentum fiat innocentia? Ille verè sapiens est, qui

summa vitiōrum in ignoratione versatur. Vna crimi-
 num ignorantia quælitum sapientiæ locum parat. Ex-
 tremæ dementiæ est cum vitio fieri Sapientem. Sola, &
 verè prima sapientia est, peccandi stultitia caruisse. O
 quantum didicit, qui studendo seruire didicit integri-
 tatem. His Ivo præceptionibus informabat se se, cū Lu-
 teria tandem digressus Aufeliā venit, vt ea in Vrbe iuri
 Pontificio simul, & Ciuili operam daret, ne vlla planè
 lux esset, quā stellarum ritu de sapientiæ Sole non hau-
 rirer. Neque verò dum leges, quibus mortales reliquos
 compesceret, addiscebat, ijs interim legibus absolueba-
 tur, quibus vtrò iam pridè alligauerat se. Turpe simul,
 & absurdum ratus iisdem se nodis exoluere, quibus ad
 salutem studebat alios obligare; tametsi libertas omni-
 no Regia est aureis diuinarum legū vinculis impediri.
 Sed cur prima hæc Ivonis vincula nos diuitius remora-
 tur? Quando vagantes erraticorum syderum cursus, mo-
 tusque imitatus eodem ille stare loco nescit; si Cælum
 tamen excipias, cuius æterna statione decedere, nec etiā
 dum suis huc illuc erroribus distrahuntur, syderibus li-
 cet. Studiorum igitur omnium emenso curriculo sacris
 initiari se petijt Ivo, vt ijs nempe stellis adnumerare-
 tur, quas effectrice stellarum manu, suo velut affixas
 Cælo gerit is, cuius dexteram stellarum omnino septem
 luce conspicuam Ioannes vidit. O polsem hinc ego di-
 cendo prosequi; quàm benè feliciterque syderis ablo-
 lutissimi partes omnes expresserit in Sacerdotum nu-
 merum relatus Ivo? tunc profectò vestris ego votis

oblequerer Auditores. Expectatis enim, opinor, astrorum ab I V O N E vigilias adæquatas. Dicerem, vel insomnes ab eo traductas noctes, vel cum adeo modica soporis indulgentia productas, ut ad Cælestium flammarum æmulationem vigilare perpetuò videri posset. Nā quoties longa diurnorum laborū lassitudine defatigatus breuem componebatur in somnum, ne aliū obdormiret (si tamen dormire altē non poterat, qui præcello dormiebat in sinu Diuinitatis) prædurum ille saxum capiti supponebat : Saxum inquam capiti supponebat I V O, cui fulciendo spontē delapsa de Cælo sydera subieciissent se. Nodosus præterea intextam virgis cratem corpusculo substernebat, ut in ea nodorum inæqualitate æqualem somno syderum faceret in dormiendo menturam. Quin etiam setosa identidem veste superindutus cubabat ne, an excubabat ? Ad excubias enim veriū, quā ad somnum iacet, qui opportunum torquendo corpori vestimentum gerit. Deposito semel augusti luminis paludamento, sacco indutus cilicio videri voluit astrorum maximus Imperator Sol. Quo in spectaculo illum ego dixerim adumbratum Solem, quem nostrorum criminum molestijs appetitum cilicio indutum nouimus in serenissimo Prophetarum. Et mirabimur, si splendida Principis sui exempla profecuti minores etiam ignes cilicio indutos exhibuerint se se ? An non indecorum est mollius haberi sydera, quā Solem ? Gratulari potius hic nos decet, Auditores, quod intextis apud homi-

nes

nēs rudiōribus indūmentis ipso etiam in Sole, ne dum in Cælo pateat locus. Affixum Cælo desideratis Iovianum sydus? exequeret septem aliquando, alias quinque ab ipso traductos dies, cum contineret Cælestium rerum contemplatione defixus ne latum quidem vnguem suo potuit ē Cælo diuelli. Cibus præterea stellarum dapibus haud absimilem quæritis in I V O N E? darem profecto simillimum. Censuerunt enim aliqui philosophorum, stellas, amplissimos dico Cælestis Reipublicæ magistratus, attenuatis de marium, fluminumque materia, & elatis in sublime positionibus enutrirī. Dum ergo dies vllō sine cibo quam plurimos transigebat I V O, vno stillantium ex oculis lachrymarum dulcissimo pane contentus, nonne consimili, quo Conuiuæ illi cælestes, epulo nutriebatur? præterquamquod vnio ille verè vnicus, qui ē candido diuinitatis rore concretus, & ē magno mari Virginis maximæ in pretium simul, & epulum generis humani profusus fuit, in quotidianū I V O N I S pabulum cessit super omnia epulantium syderum fercula pretiosum. Sed quoniam ea mihi facultas non suppetit, quæ hæc omnia valeam exornare dicendo, vnum afferō, quod vt exorneretur aliena lucē non indiget. Operabatur semel ad aras I V O, cumque inclusam sub sacri Panis integumento diuinitatem de more supra caput attolleret adorandam, visus est globus igneus Hostiam circumfusus late facibus ambire. Hæretis hīc, arbitror, Auditores, dum vestrum nemo iudicare satis potest, ē

Cæ-

Cælo ne ad illustre conditoris obsequium flammæ illæ descenderint, an ex **I V O N I S** accenso pectore pro-
manarint. Sed adeo candidas, quas in terram demitte-
ret, non habebat Cælum faces. Vnus hoc præstare
poterat **I v o**, quem iam pridem delibata de igne si-
mul, ac sole Deo flammæ purissimæ in candidum ac-
cenderant sydus. Et obsequioso flammatarum corona-
mento Solem ambire, cui potius quàm syderi debea-
tur? Nequè verò dum hæc omnia stellarum decora-
tam commodè in **I V O N E M** cadunt, illud vnum desi-
derari par est, quod præcipuè stellas decet. Adeste igitur
animis Auditores, dum in altero syderum munere
alteram expedio partem Orationis meæ.

Dicebā eam esse syderū naturā, ut non sibi dumtaxat
auara quadā luminis parsimonia luceat, sed præter pu-
blicam lucis è Cælo profusionem secreta etiā prodigæ
beneficentiæ significatione mortalibus adblandiantur.
O I V O N E M igitur hac etiam ex parte syderibus exi-
miè parem? quàm enim ille profusus, quàm in cala-
mitosam egenorum hominum familiam beneficus
fuit? Euocatus ad tribunal ab Antistite Rhedonenſi
renuntiatus breui fuit gloriosa vniuersæ mortalitatis
appellatione **PAUPERVM ADVOCATVS**. Neque enim se-
uero Iudicis nomine poterat appellari, qui reos addictu-
rus morti suos ipse prius oculos lachrymis addicebat.
An ut raro pietatis tenerriimæ magisterio deleteret quod
seniore Iustitiæ documento pronunciabat? scilicet
non stellarum, quæ legitima Cæli soboles nitent, sed
qui

qui luce fulgent abortiuæ, Comëtarum est decretoria
 flammæ oberrantium nota cædes, ac funera de-
 nuntiare. Quia ferendam in contumacissimos Reos à
 Diuino Iudice sententiam sustinere non poterunt,
 cadent olim è cælo stellæ; perinde quasi non deceat mi-
 tissimos ignes in magna illa miserorum ruina subsi-
 stere spectatores. Qui verò tanta reos misericordia
 complectebatur, quanta calamitosos persecutum cha-
 ritate iudicatis Auditores? Eorum ille causas agebat in
 foro, non alia, quam vnius mercede misericordiæ
 prouocatus. Quod si præsto illis esse non poterat ver-
 bo, effusi tunc auri potentiore facundia perorabat.
 Qua nempe facundia mortalibus confluere sy-
 dera patrocinari. O patronum vniuersa stellarum
 tribu suffragante benigniora in Cæli lumina reponen-
 dum, cuius suffragia summisso auro corrumpere ipsum
 puro luminis auro patrocinantis Cæli suffragium cor-
 rumpere sit. Nunquam ille carceris penetrabat an-
 gustias, quin suam inibi beneficentiam libertate profu-
 siore laxaret. Aurum videlicet in carcerem coniciebat
 IVO, vt homines ferro cõpeditos educeret in libertatē.
 Quis enim equiore iure detrudatur in carcerem, quàm
 tyrannus ille publicus mortalitatis, cui vel ante ortum
 Reo puniendo, ipsius naturæ Iudicis decreto statuta sũt
 ergastula Tartarorum? Quem verò in vsum impendi
 melius aurum possit, quàm cū ferri homines deuincien-
 tis contumaciam domat, captiuolque restituit liber-
 tati? Sic IVO non tam aurei luminis prodiga sydera,
 quam

quam auri largitorem liberalissimum Solem æmulabatur, dum in mortalium commoda manus verè aureas explicabat. In commoda mortalium dixi? O ferream, & nullius plane pretij vocem? ipsum etiam immortalale Numen bonorum, donorumque omnium datorem optimum sua meruit I v o beneficentiâ complecti. Vt commodius egenos ad se diuertes exciperet, certum ijs hospitium ædificauit. Quis verò ijs sat esse possit enumerandis, qui ad Ædilem humanissimum perpetuò confluebant? Vnum tamen silentio præterire non licet, quando æternum Patris Verbum est. Numerosam egenorum accumbentium manum epulo semel I v o recreabat. Admonetur interea loci hominem ad ianuâ adesse pannosum, iniqua valetudine laborantem, vultu squallidum, situ deformatum, ab omni denique parte calamitosum. Accurrit, in domum inuitat, amplexatur, excipit osculo, deducit manu, asfidere cum cæteris ad mentam iubet. Qua verò humanitate, qua charitatis, & beneuolentiæ significatione hospiti nouo blandiebatur? Cum subito squallorem omnem hospes abijcit, & diuina circumfusus luce Sol apparuit æternorum luminum Pater. Scilicet in syderum etiam domos aliquando diuertere, & ibidem confluevit hospitari Sol. Huius ego Diuini Solis radijs illustratus, licet omninò saxeus sim, euasisse tamen sentio me ad ipsius inuidiam Memnonis eloquentem. Sed in vicino Gallici syderis occasu funus etiam, & occasum suum nostra meditatur Oratio. Cum enim syderis

ris iam munera omnia obuiſſet in terris I v o, eò vo-
cari ſe tandem ſenſit, vbi in omnem eluceret æternita-
tem. Quo igitur die Capitolium immortalitatis aſcen-
dit mortis victor, ac triumphator Deus, moriturum ſe
ille rara ſupremi numinis indulgentia præcognouit.
Quare lethali correptus morbo decubuit, tertia-
que iam luce appetente ſub acceſſum Auroræ (cum
vicino Sole cadunt ſtellæ) lucem ſuam terræ ſubtraxit
impertiturus Cælo. Eò ſiquidem conſecuturo ſyderi ſe-
mitam ſtrauerat qui paulò antè præceſſerat luſtiræ
Sol. Sic in locum verè ſuum abiit I v o: aliena quip-
pè ſyderum ſtatio terra eſt, quibus vera Patria Cælum
eſt. Ibi Beatis ille flammis auctior micat, quas è Di-
uinæ charitatis incendijs bibunt ignes æternorum or-
bium Inquilini. Illuc & vos inuitamini Proceres Au-
guſtiſſimi, quos aſſula iſthæc ſacræ purpuræ flamma ſtel-
las designat futuras olim I v o n i s in Cælo conſortes.
Nec alijs patet amplior in Cælum via, quam proximis
Cælo Syderibus Vaticanis. Vos vero, qui ad iuſtitiam
non tam verbo, quam re plurimos informatis, tunc
æterna ſuccenſos in ſydera videbit Roma, cum ſua Vos
Benefica flamma ſuccendet

S P L E N D I D U M C A E L I G A L L I C A N I S Y D V S

I V O

D I X I.

B. Gio. Battista Andreani.



A X 1 1